

kidredremalinga murudrenge

mumu ka otaterase, mumu ka sidepenga tékata kené sesa, mumu ka
lalili nga, margagi mumu. kené nupusobali ka, “aki ku kidredremalinga na
marudra nge.” imiti ka maka ico nga, ikainga ku iké kdredremeta, ki
dredremata na marudrange idurata, mirimuru. si kiki ka akiku tévela kuwa
ninema, amini kini ku kudredremali idurali mirimuru.

ku tigiani buara ka odelénga na sesa cvélé, si ku gidra ka mpitilu
kudrusa cvélé dra, ku técavna dra ki ninema, kené ckickile name lesa madri,
pikilivu ku skarigidra técavnadra. sidepe na Toreso pébrébruvé na
valevaleke.

ki ninema, télrima nema tvaleke ku vlavlake dra. iduru nema mgaucu,
ikédra ku pasélé nema aména udomunema nakumu tuménia mia musobaka
psaringo. ku daname sakura urugu pasikesikete susuepe, ina abaya neta, ka
depeta kini man kwa, kisiringa kiki tvalevaleke, makasi muka ni kwa
musobaka pincega pasekesikete dramu mia, si sakura urugu magagucu na
ikédra mate rubu cikecikele name na ico, amua pusope ra. bwi ku matérubu,
kinema sakevalevaleke mua kiokai sukuukubu Ticico mitia pelenge gare,
usulusulate mua na kiokai gakkoiya.

si ki ninema kené tékadrala bulaka, kené séhu ka pakirivu dria si
labédria mabula nga thika dane, maraginga singirevata na nina mia na sulate
siohéng.

ninema ka ugia nga tékadra kené buala, maka si kename ka
lemataketaka thkadane, ka giagi nga kiki, tévlavlake nga sulusulate
vlavlakeli, makasi nuduliya kiki mirimuru ku técavenadra skargidra, si
spasobukédra, buburu nema ki nime ma.

takethani spasobukéli si mukura gagia.

我懷念的耆老

每個人都有懷念的人，無法忘記，一直想念。我所懷念的老人，是「我的媽媽」。她離世已四年，當時她有七十二歲。她還在世時，在部落裡，與她同輩的老人，小孩、年輕人，都尊敬她。媽媽擔任保育員的工作，專門教養部落的小孩以身作則，家庭整理的乾乾淨淨。

媽媽讀過教會學校，有堅定的信仰，部落裡有困難家庭都會去協助，也得過全國的模範母親。我媽媽已不在世。我們五個子女，都懷念她。